



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Caput vigesimum quartum. Jesus primogenitus.

urn:nbn:de:hbz:466:1-16260

ipse primogenitus in multis fratribus.

Rom. 9. 6, 7, 8, 25, 26. Non enim omnes qui ex Israel sunt, ita sunt Israelitae; neque qui semen sunt Abrahae, omnes filii: sed in Isaac vocabitur tibi semen; id est, non qui filii carnis, hi filii Dei; sed qui filii sunt promissionis, aestimantur in semine Sicut in Osee dicit, Vocabo non plebem meam, plebem meam; & non dilectam, dilectam; & non misericordiam consecutam, misericordiam consecutam: & erit in loco ubi dictum est eis, Non plebs mea vos, ibi vocabantur filii Dei vivi.

Gal. 3. 26. Omnes enim filii Dei estis per fidem, quae est in Christo Jesu.

Gal. 4. 4, & seq. At ubi venit plenitudo temporis, misit Deus Filium suum factum ex muliere, factum sub Lege, ut eos qui sub Lege erant redimeret, ut adoptionem filiorum reciperemus. Quoniam autem estis filii, misit Deus spiritum Filii sui in corda vestra, clamantem, Abba, Pater. Itaque jam non est servus, sed filius. Quod si filius, & heres per Deum Nos autem, fratres, secundum Isaac promissionis filii sumus.

Eph. 1. 5. Qui praedestinavit nos in adoptionem filiorum per Jesum Christum in ipsam.

Phil. 2. 15. Ut sitis sine querela, simplices filii Dei.

1. Joh. 3. 1, & seq. Videte qualem charitatem dedit nobis Pater, ut filii Dei nominemur & simus Charissimi, nunc filii Dei sumus Omnis qui natus est ex Deo, peccatum non fecit; quoniam semen ipsius in eo manet, & non potest peccare, quoniam ex Deo natus est. In hoc manifesti sunt filii Dei, & filii Diaboli.

1. Joh. 4. 4, 7. Vos ex Deo estis, filii. Et omnis qui diligit, ex Deo natus est, & cognoscit Deum.

1. Joh. 5. 1, 4, 18. Omnis qui credit quoniam Jesus est Christus, ex Deo natus est Quoniam omne quod natum est ex Deo, vincit mundum. Scimus quoniam omnis qui natus est ex Deo, non peccat, sed generatio Dei conservat eum.

CAPUT XXIV.

Jesús primogenitus.

PSALM. 88. 28. Et ego primogenitum ponam illum, excelsum pra regibus terra.

Eccli. 24. 5. Ego (Sapientia) ex ore Altissimi prodivi, primogenita ante omnem creaturam.

Zach. 12. 10. Et effundam super domum David, & super habitatores Jerusalem, spiritum gratiae & precum: & aspicient ad me quem confixerunt; & plangent eum planctu, quasi super unigenitum; & dolebunt super eum, ut doleri solet in morte primogeniti.

ROM. 8. 29. Nam quos praescivit, & praedestinavit, conformes fieri imaginis Filii sui, ut sit ipse primogenitus in multis fratribus.

Col. 1. 15, & seq. Qui (Jesus) est imago Dei invisibilis, primogenitus omnis creatura: quoniam in ipso condita sunt universa in caelis, & in terra, visibilia, & invisibilia, sive Throni, sive Dominationes, sive Principatus, sive Potestates: omnia per ipsum & in ipso creata sunt, & ipse est ante omnes, & omnia in ipso constant.

Ebr. 1. 6. Et cum iterum introducit (Deus) primogenitum in orbem terra, dicit, Et adorent cum omnes Angeli Dei.

Apoc. 1. 4, 5. Gratia vobis & pax à Jesu Christo, qui est testis fidelis, primogenitus mortuorum.

CAPUT XXV.

Jesús Deus.

GEN. 19. 24. Igitur Dominus pluit super Sodomam & Gomorrhā sulphur & ignem à Domino de celo.

Psal. 44. 7, 8. Sedes tua, Deus, in seculum seculi: virga directionis, virga regni tui. Dilexisti justitiam, & odisti iniquitatem: propterea unxit te, Deus, Deus tuus oleo laetitiae pra consortibus tuis.

Psal. 109. 1, & seq. Dixit Dominus Domino meo, Sede à dextris meis Ex utero ante luciferum genui te.

Isa. 7. 14. Propter hoc dabit Dominus ipse vobis signum: ecce Virgo concipiet, & pariet Filium; & vocabitur nomen ejus Emmanuel.

Isa. 9. 6. Parvulus natus est nobis, & filius datus est nobis, & factus est principatus super humerum ejus; & vocabitur nomen ejus Admirabilis, consiliarius, Deus fortis, pater futuris seculi, princeps pacis.

Isa. 25. 6, & seq. Praecipitabit mortem in sempiternum, & auferet Dominus Deus lacrymam ab omni facie, & opprobrium populi sui auferet de universa terra, quia Dominus locutus est. Et dicit in die illa, Ecce Deus noster iste, expectavimus eum, & salvavit nos; iste Dominus, sustinuit eum, exultabimus & letabimur in salutaribus ejus.

Isa. 35. 4, & seq. Deus ipse veniet, & salvabit vos. Tunc aperientur oculi caecorum, & aures surdorum patebunt: tunc saliet sicut cervus claudus, & aperta erit lingua mutorum.

Isa. 40. 3, & seq. Vox clamantis in deserto, Parate viam Domini, rectas facite in solitudine semitas Dei nostri. Dic civitatibus Juda, Ecce Deus vester, ecce Dominus Deus in fortitudine veniet, & brachium ejus dominabitur: ecce merces ejus cum eo, & opus illius coram illo. Sicut pastor gregem suum pascet, in brachio suo congregabit agnos, & in sinu suo levabit, fetas ipse portabit. Quis mensus est pugillo aquas, & celos palmo ponderavit? quis appendit tribus digitis molem terra, & libravit in pondere montes, & colles in statera? quis adjuravit spiritum Domini? aut quis consiliarius ejus fuit, & ostendit illi?

Isa. 45. 14, 15. Haec dicit Dominus, Labor Aegypti, & negotiatio Ethiopia, & Sabaim viri sublimes ad te transibunt, & tui erunt:

MATTH. 3. 3. Hic est enim (Johannes) qui dictus est per Isaiam Prophetam dicentem, Vox clamantis in deserto, parate viam Domini, rectas facite semitas ejus. Et Marc. 1. 1, & seq. & Luc. 1. 76.

Joh. 1. 1. In principio erat Verbum, & Verbum erat apud Deum, & Deus erat Verbum.

Joh. 5. 18. Propterea ergo magis querebant eum Judaei interficere: quia non solum solvebat sabbatum, sed & Patrem suum dicebat Deum, aequalem se faciens Deo.

Joh. 10. 30, & seq. Ego & Pater unum sumus Responderunt ei Judaei Tu homo cum sis, facis teipsum Deum. Respondit eis Jesus Quem Pater sanctificavit, & misit in mundam, vos dicitis, Quia blasphemias, quia dixi, Filius Dei sum.

Joh. 14. 1, & seq. Creditis in Deum, & in me credite Si cognovissetis me, & Patrem meum utique cognovissetis, & à modo cognoscetis eum, & vidistis eum. Dicit ei Philippus, Domine, ostende nobis Patrem, & sufficit nobis. Dicit ei Jesus, Tanto tempore vobiscum sum, & non cognovistis me? Philippe, qui videt me, videt & Patrem.

Joh. 16. 15. Omnia quaecumque habet Pater, mea sunt. Et Joh. 17. 10.

Joh. 20. 27, 28. Deinde dicit Thome, Infer digitum tuum huc, & vide manus meas, & affer manum tuam, & mitte in latus meum, & noli esse incredulus, sed fidelis. Respondit Thomas, & dixit ei, Dominus meus, & Deus meus.

Act. 20. 28. Attendite vobis, & universo gregi, in quo vos Spiritus sanctus posuit Episcopos, regere Ecclesiam Dei, quam acquirit sanguine suo.

Rom. 9. 5. Ex quibus est Christus secundum carnem, qui est super omnia Deus benedictus in secula.

Rom. 14. 10, 11. Omnes enim stabimus ante tribunal Christi, scriptum est enim, Vivo ego, dicit Dominus, quoniam mihi flectetur omne genu, & omnis lingua confitebitur Deo.

1. Cor. 10. 9. Neque tentemus Christum, sicut quidam eorum (Patrum nostrorum, Num. 21. 5.) tentaverunt, & à serpentibus perierunt.

Gal. 1. 1, 11, 12. Paulus Apostolus, non ab hominibus, neque per hominem, sed per Jesum Eec ij